


Wōsō dat wóóter in d' säj solt is

'n ol fräisk ferhóol
näj upsgrēven döör

Oen Dīrk Feldman



dēseembermóond 2021

©2021 Onno Dirk Feldmann

ūtgēver:

Onno Dirk Feldmann

Am Wiesengrund 1

26817 Rhaderfehn

drük:

epubli - 'n denst fan d' neopubli GmbH, Berlin

Bibljōgóófsk inf'rmóósje fan d' Düütsk Nóósjenóólbibtäik:


Däi Düütsk Nóósjenóólbibtäik ferbaukt disser publikóósje;

nibber bibljōgróófsk dóóten bünt up 't internet öwer


<http://dnb.d-nb.de> tau ferkrīgen.

fräej onlain-wersje


Dat was insent 'n läief krēgel fent, däi hār niks up d' wērlid
būten 'n blien bäep un 'n sğranner küen. Dō häi tau d' sğaul üt
kwam, wur häi fan 'n sğēpsjung un sul up sīn êrst tōrn góón. Dō
sağ h' wō sīn näej kamróóden mit sğier geld spööldent, un häi
hār niks, näit ins' 'n lütje dājtje.




Dat mōk hum läip bīdröyvt, dat häi 't bī d' bäep klóóğde. Sāi bīsun sūk 'n setje, dan tjükselde s' achter up höör kóómer, hōl 'n lütje oel möölen fandağ, gaf s' dāi fent un sē: »Dō dū tēgen disser möölen säeğst fan: Möölen möölen móól mī rôd dukóót dank ik dī! dan móólt s' dī ēmer dukóóten, wō fööl dū hebben hebben wult; un dō dū säeğst: Möölen möölen, stóó nū stiel, heb al mīn wiel; sğājt sāi üt 't móólen; un dūs kāst dū dī āl dīngen, dāi dū dī wūnskern dājst, fan dāi möölen móólen lóóten. Man fertel nūms d'r fan, anners geböört 'n grōt óólük!«




Däi fent bīdankde sük bī sīn bäep, sē fan forwal un gung up 't sǵip. Dō nū däi kamróóden al wēr höör sǵier geld um d' hân hārent, stelde häi sük in 'n düüster hauk un sē: »Möölen möölen móól mī rôd dukóót dank ik dī!« Dō mōl däi möölen ēmer rôd dukóóten, däi klöyternd in sīn lēren pōl fullent. Un dō däi pōl ful sat, sē häi man: »Möölen möölen, stóó nū stiel, heb al mīn wiel«




Nū was hāi fan āl kamróóden dāi ríkst; un dō 't hōör 't al tauhōp an spīs undbrōk, dō dat 's móóls gebōörde, um dat dāi sġēps-kumdōör läip nóóterġ was, sē hāi blōt: »Mōölen mōölen móól mī frisk bollen dank ik dī!« dūs mōl sāi sō lâng, bit dat hāi fan 'n anner sprōökje sē; un wor hāi anners no grap an hār, als mōl dāi lütje mōölen.




Alt'mēds frōgent hum dāi kamróoden, wor hāi dāi mōj sóoken
weġ krēġ; man dō hāi sē, hāi dūs 't nāit sāegen, drungent sāi
d'r nāit up, f'dan dō hāi 't āl ērelk mit hōör dāilde. 'T dūs nāit
lāng, dō krēġ dāi kwóoded sġēpskumdöör d'r wind fan, un up 'n
óóvend kumdæærde hāi dāi sġēpsjung binnen sīn kejüuet un
sē: »Hóól dīn möölen un móól mī frisk hóóntjes!«




Däi fent gung tau un broch 'n körf frisk hóóntjes. Man d'r was däi godlöes kērl näit taufrē mit: häi slōĝ däi fent sō bīdröyvt lāng, dat däi hum däi möölen hōl un hum sē, wat häi säegen mus, dō s' móólen sul; man däi anner spröök, däi me säegen mus, dō s' ūtsġājen sul, lērde häi hum näit, un däi sġēpskumdöör doch d'r ök häil näit an, hum t' fróógen.




As däi fent lóóterweg allenerġ up 't rauf stun, lēp däi kumdöör nóó hum tau un stöt hum in d' säj un doch näit d'r um, wō fööl söerġ un mâjt fóóer un mauder in hum stopt hären un wō däi blien bäep hōpde dat häi wēruem kwam. Um âl dat doch häi näit, man stöt hum in d' säj un sē, dat häi melöört hār, un dücht'de dat 't d'r mit gaud was.



D'r nóost gung häi up sîn kejüuet, un dō hum solt undbrök sē häi tēgen dāi lütje möölen fan: »Möölen möölen móól mī wiet soltkörrels dank ik dī!« Dō mōl s' ēmer wiet soltkörrels. Man dō dāi nap ful was, sē dāi sġēpskumdöör: »Dat langt!« Man säi mōl altīd fērer, bit dāi häiel kejüuet ful was.



Dō fōt häi dāi möölen an, dat häi s' öwerstüer gōjen kun, man krēğ sō 'n slağ, dat häi bīdūst up d' grund ful. Un dō mōl s' altīd fērer, bit dat sğip an 't sinken fung, un nōjt hār grōterder nōd up 'n sğip west. Up 't læst nam dāi sğēpskumdōör sīn gâud swērt un tohō dāi möölen; man kīk insent! üt elker stük wur 'n lütje möölen, dāi net as dāi oel was, un âl möölen mōlent ēmer wiet soltkörrels.



Dō bīful dat sǵip sīn lot: 't ferguson mit man un mūs un âl möölen. Man dāi mōlent unner up d' grund no altid ēmer wiet soltkörrels, un dō dū hōör ōk dāi rāecht sprōök taurapen dēst, sāi liegent sō dāip, dat s' dat nāit hōören kunnent.

Kīk insent! D'r is dat wóóter in d' sāj solt fan.

